



Орган Лемковского Союза.

Выходит в каждый четверг.

Редакция и администрация в Крыницѣ. — Адрес „Лемко“ Крыница.

Всѣх читателей, котры не вплатили ище пренумераты, просиме выровнати якнайскорше рахунки.

Пренумерата в Криво:
30 грошей місячно,
80 „ квартално
1.50 „ полрочно,
3 зл. рочно.
В Америкѣ: 1 дол. рочно.
В Чехословакии:
2 кор. місячно, 10 кор. полрочно,
20 кор. рочно.
Цѣны оголошень:
Цѣла сторона 120 зл., 1/2 сто-
роны 60 зл., 1/4 стороны 35 зл.,
1/8 стор. 20 зл., 1/16 стор. 10 зл.;
оголошена малы за 1 мм. 20 гр.,
в текстѣ 30 гр., перед текстом
40 гр. При місячном и долшом
оголошеню значна знижка.
Контото чекове Нр. 404.155.

Десятилітний ювілей урядованя Президента Річипо- сполитой, Проф. И. Мосцицкого.

Дня 3. червня т. р. праздновано в цілої Польщі 10-літний ювілей урядованя Президента Річипосполитой Проф. Игнатия Мосцицкого.

В червні 1926 р. выбрано Президентом Річипосполитой Профессора Игнатия Мосцицкого.

Двократно с волі народного собраня Профессор Игнатий Мосцицкий обнял в державі найвысший уряд, жертвуючи величині обовязку аж и найбільши личны замилованя.

От десятих літ проводит Польщі Человік, для котрого свободна и независима Польша была и єсть цілю усилий цілого жита, котрый от вчасной молодости єтанул в ряды воинов о независимость Польщи и тісно звязал свое Имя и судьбу с идеом и трудами Осифа Пилсудского.

Многолітний творческий труд на каждом поли дѣятельности Игнатия Мосцицкого, Его благородство, любов правды, красы и добра споводовали, же именно Игнатий Мосцицкий, трудячи ся серед людей, с мыслями о людях, был выбраный через польский народ на своего предводителя.

Каждый крок правленя Игнатия Мосцицкого увеличал вычислены вартости.

Розумна загранична политика, даюча Польщі значенє в родині народов, выдатна дѣятельность на господарчом поли, увінчена такыма чинами, як Хоржов, Мосцицы, Гдыня, хемичный институт, а также непереминяючи результаты труда в области укрѣпленя элементов народной обороны, звязали ся тісно с особом Игнатия Мосцицкого.

Тому то цілый край днѣ 3. червня дал выраз чувству, яке живит для Першого Мужа Річипосполитой и отдав честь Тому,

котрый своима ділами учит, як служити и трудити ся для Державы.

Розрухы в Палестыні.

Палестына — Обітована Земля — Земля Свята!

Земля тота, ціль паломництва християн, оплыват тепер кырвю.

Не пораз перший ліб ся кров о Палестыну. В єй истории бывали тяжкы бои. Коли Мойсей впровадил ту перед віками народ Израиля, мусіли жидаы боронити тоту землю перед многыма ворогами. В тысяч літ погодивше, коли научал Исус Христос, Палестына находила ся под панованєм римлян, тогдашних панов світа. Пак по жидовских бунтах римляне збурили святыню Саламона и переслідовали и гнобили жидов так, же жидаы распорошили ся по цілом світі.

Позднійше, коли Магомет оголосил свою нову віру, єго землякы арабы прибыли ту с Арабии и опановали цілу Палестыну, а потом завозвали Палестыну туркы. Перед 800 літами зберало ся рыцарство цілого християнского світа и через парудесят літ воєвало храбро с Турками. Оно освободило Єрусалим с ткрецкых рук, основало християнскы княжества але в результаті по двоух віках воєн Палестына остала под панованєм турков.

Аж, користаючи с послідной світовой войны, Англия выдерла ослабленной Турции Палестыну, на котру уж давно мала апетыт, бо хоц то єст невеличкый край и має всего населеня лем 1 1/4 милиона, має он для Англии велику вартость, бо лежит над Середземным Морем недалеко Суез канала,

через котрый веде дорога до Индий.

Край тот опадат степенями от гор по море. Єст ту дуже скал и пісков, але над берегами моря родит ся чудно не лем пшевица, але и помаранчи, фігы, цытрыны и оливкы. Польша вымінят с Палестыном ткацкы и желізны выробы за полудневы овочи. Над морем лежат два порты Яффа и Гаифа. Єрусалим и Вифлеєм, міста святы для християн, лежат уж на высочині. Край перерізує ріка Йордан, котра прсреплыват через одно озеро и вливат ся до другого, названого Мертвым Морем. Єст то интересне море, бо лежит 400 метров ниже уровня моря, вода в нем єст страшенно солена, а на дні має непереминяючи поклады асфальту.

Што до населеня Палестына от давна лыла арабским краєм и днеска єст переважно арабска. Все жило ту кус християн и недуже жидов, котры каждой пятницы зберали ся в Єрусалимі под высокым муром („стіна плачу“) и ту серед банованя и ламажня рук плакали над минувшом славом Израиля.

Але тото зворушаюче видовиско начало ся перед світовом войном змінити. Серед жидов почал будити ся национальный рух, званый сионизмом. Стреміл он с одной стороны до сильной звязи жидов в тых краях, где сут они распорошкованы, а с другой — до утвореня жидовской державности. В той ціли проводыры сионизма начали накликавати жидов до оселяня ся в землі отцов, — в землі обітованой им через Всевышного, — в Палестыні.

Уж перед войном гдеякы жидаы поселяли ся в Палестыні, а по войні, коли Англия завладіла Палестыном, молоды жидаы с Польщи, Румунии, Росии и Німеччины начали ту наплывати тысячами. Тепер же в Палестыні 900 тысяч арабов и 300 тысяч жидов.

Арабы уж перед парома роками занепокоили ся, же жидов приїзжат што раз больше до Палестыны. Уж в р. 1929. выбухли перши розрухы противжидовскы, а коли минушого року, по переслідованю

жидов в Німеччині, наплынула их маса, — занепокоєнє увеличило ся. Арабы начали ся нараджати и зажадали от Англии, штобы не впускала жидов до Палестыны. Аж наконец в квітні т. р. дошло до кырвавых розрухов, котры продолжают ся там перешло місяц.

Арабы не обмежают свои жаданя до борбы с жидами. Они жадають тепер национального арабского правительства. Проводыры арабскы оголосили штрайк, неплачене податков, бойкот англицкых товаров и т. д.

Для англиков сут жиды далеко безпечнійшим и господарчо ціннійшим материялом чим арабы, прото тыж хотіли бы помочи жидам. Тымчасом арабы нападають на жидов и начали борбу с англиками. Арабы, вооружены в штылеты и револьверы, мордуют и ранят жидов, подпаляють их дома, и склепы и нищат аж и засівы на полях. Найзавязтши напады мали місце в Яффі, головном палестынском порті, в Тель-Авиві и Ерусалимі. На дорогах арабы стріляють до жидовскых автобусов. Жиды пробують ся бороніти. Арабы шмарили также пару бомб на англицкы правительственны дома и по улицах ходят многотысячны толпы арабов и кричат: „Вон с англицкым правительством!“ Против арабам выступили полицейны и войсковы отділы.

Арабскы жаданя перешкаджають англицкым плянам и заражают друге населене в англицкых кольониях. Прото англицкы власти хотят здавити якнайскорше тоты розрухы. В той ціли ввели они в Палестыні воєнне положене, спровадили с Египта войско, обсадили дороги и міста густыма полицейныма патрулями, а англицкы самолеты шмарили масу правительственных оголошень, в котрых заповідають барз остры кары за участь в розрухах.



Письмо Ваня Березины.

Ах Боже! Як тяжко приходит ся жити на світі бідному човекови. Оно бы може не было барз тяжко, як бы світ тримал ся церковной науки и бабы памятали о том, на што при вінчаню присягали. Але што-ж? Присяга присягом, в церкви бесідовало ся, же жена має повинувати ся своєму мужу, а в дома, як не крикне она на хлопа, то хлоп втіче с хыжи так, як негус с Абисынии.

Так, на жаль, єст всяди, так єст и у мене в дома. Недавно гварит до мене моя стара: ты Ваню якоси ся барз поддал и тобі треба ити до доктора. О гроши ся не турбуй, бо я наскладала яйц и выховала крас когута, то буде чим заплатити. Я — правда — не мал цілком охоты давати докторови яйца и когута, бо я знал, же они мі скорше, як доктор, помогут, але што-ж? вы не знате моєй старой, а я знам и знам, же як бым ю не послушал, то буде комендия на ціле село. Прото тыж нич не гварю лем зберам ся, хоц слина иде мі все на язык, як си подумам о когуті и яйцах.

Баба тымчасом поскладала яйца до кошика, звязала когута и мы сіли на воз и поїхали до міста.

По дорозі роздумую над мойом бідом и потішам ся тым, же то тепер докторы не так, як давно, што лем послушал и попукал. Тепер они уміють со слабого зробити мощного, а и кривого выпростують, а со старых робят молодых. Тож думам, — не злє бы было, як бы и я отмолодніл.

В місті глядам доктора. Надыбал я там кума Дмитра и он радиг мі зайти до доктора С..., бо он хоц и украинец, але все ліпший, як жид, бо в нем єст може одробина рускости. Входиме до доктора. Я роздія ся, знял гуньку и кошелю и аж

Оружний напад сторонников Гитлера на замок б. австрийского вице-канцлера.

В Відні выкликала велике враженє вість о оружном нападі, доконаном в ночи на замок Ваксенберг в Горішной Австрии, родове місце пребывания князей Штаренбергов.

Жандармерия довідала ся, же на замок бывшего вице-канцлера наміряють напасти сторонники Гитлера с наміренєм опанованя магазына оружия „Гаймверы“, организации,

находячой ся под руководством кн. Штаренберга.

Сейчас 200 жандармов укрыло ся недалеко замка, а коли вартовник ударил в дзвон на знак, же напастники уж сут, жандармы рушили до атаку.

Меже вооруженыма напастниками и жандармами вывязал ся формальный бой, в результате котрого уняла жандармерия 8 люда. Двох напастников было убитых.

Напад был организованый австрийскыма национальнымы социалистами. Як уж в попередном номері мы доносили, на Австрию вырабат ся у многих уж отдавна смак.

Годовля овец в горлицком повіті.

Дня 17. квітня отбыло ся в льокалю пов. господарского кооператыва „Серп“ в Горлицях повітове собранє членов годовельного кружка овец.

В собраню приняли участь: пов. горлицкый староста д-р Ромуальд Климов, представитель Краковской Рольной Палаты, инспектор годовлі овец инж. Грущинский, представитель Д. О. К. Краков, кпт. Тышовницкый, председатель О. Т. Р. Бышевский, с повітовый агроном инж. Здражилек, члены заряду пов. годовельного кружка, лікар ветеринарии Кухарук, касиєр Т. Ядловский, делегаты громадскых годов. кружков с Ганчовы, Рыхвалда, Бортного, Руского Устя, Доминиковец, Ржепєнника и др. громад.

Пов. инж.-агроном представил теперешный стан годовлі овец в горл. повіті. В цілом повіті єст 4513. штук овец и 19 стадийных и лицензийных трыков. В пов. горлицком заложено 12 годовельных гнізд. В р. 1934 в горл. пов. выкастровано 525. штук баранов, в році 1935. — 825 штук, не надаючих ся до покрываня овец.

Бесідник представил также стан овец в Польщі в пропорции до других краєв. И так: Німеччина, котра в р. 1870. твердила, же годовля овец не оплачат ся, увеличат с каждым роком число хованых овец. В році 1900. было там 8 милионов овец, а тепер єст их 12 милионов. У нас в Польщі было на початку 200 тысяч овец, в р. 1930 — 2 милионы 100 тысяч, а в 1935. — 2 милионы 700 тысяч.

Представитель Крак. Рольной Палаты, инж. Грущинский представил значене годовлі овец с точки загального пожитку для цілого населеня нашей державы, а особенно нашего крак. воєводства, где єст 90 тысяч штук овец. В крак. воєводстві стоить найвысше годовля овец в пов. новоторжском, где єст 53 тысячи овец, сут брындзарні и перобка овечого молока на овечи сырky.

В горлицком повіті — сказал дальше бесідник — розвиват ся также добре овчарство. В Рыхвалді уряджено курс выправы овечих скор, в котром приняло участь 24 курсантов с горлицкого повіта и 3-ох с по-

сам себе-м ся встрашил: нич, лем ребра и кости. Доктор позріл на кщик, пак на мене, приложил ухо и гварит: будова тіла добра, организм сильный, але забідженный. Вы газдынь, як хочете, штобы с вашого Ваня был ище добрый хлоп, мусите єго лучше кормити.

А моя старовина скривила ся, тай гварит: та я паноньку го дозерам и што могу, то му даю. Рано бандуры, в полудне комперы, а вечером грулі. А капуста, то коли хоче має до волі и он вшитко поїст. Он іст што-буд, лем чоґоси на нем нич не прибыват, а все марніє.

Доктор посмотріл знова на кошик, а пак бабу и гварит: Ваньови не можна давати істи ани бандуры, ани комперы, ани грулі, бо єму тото не иде на хосен. Ему давайте рано все 1 литру молока от чорной коровы и 5 яйц от чорной куркы. В полудне юшку с чорного когута, а пак и самого когута, а на вечер може быти гречана каша, добре омащена и 1:2 литры сметаны собраной с молока от чорной коровы. Так мусите давати єму істи през 10 дней, але штобы никто не виділ, як он іст. А єсли бы го дакто чужий при ідлі надыбал, то треба курацию начати от початку.

Оставила моя стара яйца и когута у доктора и мы поїхали до дому. Жена штоси смутна, а мі так легко на душі, же, што она забоженкат, то мене сміх розберат.

Вдома начала мя стара куровати и уж третей місяц я курую ся, бо все ктоси ввойде до хаты и застане мене при місці.

Правда, мудрый доктор, бо мя прибыло и ребер не знати, але шкода когута, што го взял доктор, бо я мог бы ище о оден день долше куровати ся. А так треба буде скоро вернути до грульок и бандуры и знова ребра вылізут с под скоры.

На разі однак отмолодніл

Ваньо Березина.

віта ясельського.

В р. 1934 и 1935 скупувано овечу волну по ціні 1:20 за 1 кг.

В том самом часі продано с Рыхвалда войску 18.000 кг. баранього мяса по 82 гр. за 1 кг. Бесідник радит не продавати скор и волны місцевым гандлярам, котры заробяют на посередництві, але достарчати так скоры, як и волну просто до Бельска в кооператив „Spółdzielnia Legjonowa”, або гарбарам в Гарволині. В том послідном случаю газда одержує высшу ціну, бо не заробят на нем гандляр-посередник.

Польша выплачат каждого року 200 миллионов злотых за волну спроваджану с заграницы. Тоты гроши могут остати ся в краю, если у нас поднесе ся число овец.

На премии для газдов, котры ховают овцы, выдано 595 зл. Крім того кульчиковано овцы. Против мотылицы закуплено 300 штук дистолою. Цікавы цыфры подал инж. Грущинский: цілий запас волны, який єст на рочных торгах в Познаню выносит 1 миллион 900 тысяч кг. и того количество волны можна переробити на сукно в 10 днях. Одна лем фабрыка „Аллард и Руссо” в Лодзи має 10 миллионов кг. волны в своих магазинах для переробки на волняны тканины.

С того видно, яку велику масу волны нам потреба и с браку той волны у себе, спроваджаме ю с заграницы. Бесідник, кончачи свои выводы, заохочал собраних до хованя овец — прирек тыж, же буде устроивати ся фарбярско-трыкотарскы курсы, на котрых населенє научит ся фарбовати волняну пряжу и робити с ней рукавичкы, пончохов, светры и т. д. и подал ціну волняных материялов. 1 кг. волняного, мытого, але непраного прядива платит ся 2 зл. — суровых овечих скор, купованых до Гарволина — от 4:45 зл. до 4:75 зл.

Слідуючий бесідник кпт. Тышовницкий бесідовал о важности хованя овец для цілей обороны державы и заохочуючи газдов до оживленя годовлі овец, запевнил, што войско гварантує селу збыт баранього мяса по добрых цінах. Войсковы власти выдали приказ, штобы в місяцах от 1. вересня по конец січня давати воякам што пятый день баранє мясо.

Повітовый староста д-р Р. Климов запевнил всіх, што буде всіма силами поперати годовлю овец, поддержит ю на терені свого повіта и постарат ся о того, штобы бюджетны выдаткы на цілі овчарства были выконаны в полностью. Всі присутны прийняли заявленє старосты радостно и нагородили бесідника долготревалым рукоплесканєм.

Лікар ветеринарии поучил собраних о ліченю хворых овец.

По рефератах инж. Грущинский вручил нашому селянину с Ганчовы Гарасиму Лукачину почетный дыпльом выданный министерством воєнных діл, в нагороду за образцове веденє годовлі овец.

При конци обговорено ище гдекотры актуальны діла, звязаны с годовльом овец и по взнесеню членом заряду Т. Ядловским оклику многолітствія для нашей армии на руки кпт-а Тышовницкого и зложеню для войсковых властей слов благодареня за опеку над населенєм, занимающим ся годовльом овец, собранє окончено.

Присутный.

Негус с сынами и дочком отплыли уж до Англии.

В виду напруженого положеня в Палестыні и обавы перед арабскыма демонстрациями, англицкы власти зарядили в цілковитой тайні перевезенє негуса с Ерусалима до Гаифы.

Безпосередно по прибытю до Гаифы Гайле Селяссие разом с сынами, дочком и секретаром сіл на корабель и отїхал. Негус иде до Лондона. Там буде жити в дворци закупленом недавно в его имени

абисынским посольством в Лондоні. Сыны негуса будут жити якыйси час при отци, пак начнут воєнну науку в одной с англицкых воєнных школ. Жена негуса Манен остала на разі разом с рештом двору в Ерасалимі, где має прожити ище недольгий час.

Негус намірят выїхати в червні до Женевы, штобы лично боронити справы Абисынии в Лигі Народов.



Просты мысли.

(Писмо в редакцию)

В попередной бесіди дошли мы до того, што в цілі увеличеня и змоцненя рядов нашей трудовой интеллигенции, мусиме посылати нашу молодеж до розмаитых школ по містах. Єст то конечность народна, а одночасно и сполненє обовязков родительских в ділі забезпеченя дітині хліба, а може и лучшой долі. Бо-ж тыма пару загонами каменистого горба, котры каждый с нас має, — обділити троє, ци пятеро буде трудно!

При том вшитком мушу однако зробиити одну увагу. Замало єст послати дітину на науку гдеси до міста и уж радовати ся, што вшитко зроблене. Треба уважати, штобы дітина в місті не змарновала ся, не пропала для нас, або штобы своим кырвавицом мы не доховали ся дакого преступника. Мусиме уважати, штобы тота дітина выховала ся морально, в руском духу, в любви до своего родного языка, штобы тыж часом не затуманили ю дагде украинским фалшом. Бо знаме, што яничаре сут горши от врагов (переконуюме ся на своей скорі)!

С огляду на высше высказане, як также с той причины, што нас не стати на велькы оплаты — найбільше отповідают нам бурсы, але рускы бурсы. Вырынат отже головна наша задача: творме и поширюме свои бурсы для учачой ся молодежи!

На цілой Лемковщині єст до тепер лем одна руска бурса в Горлицях. Як чул єм, она красні сполнят свою задачу. Ей одной за мало. Сут, правда рускы бурсы во Львові, Станиславові, Перемишлі и т. д., — але там нам за далеко.

Треба отже конечно отновити наши передвоєнны рускы бурсы в Санчі и Сяноку. До той справы мусиме ся взяти вшиткы! Треба zorganizовати их добре, штобы там не дбали лем про науку ріжных граматкы ци математкы, але и про свою историю, рускый язык, про практичны відомости, як працювати на селі, в читальні, кооперативі и т. д.

Села наши мусят достарчати до тых бурс способных, пильных учеников, як также широким збором провиянтов дати возможность существованя тым бурсам и приниманя учеников по невеликих оплатах.

То мои мысли, — подумайме над нима и рушме с місца. Не жалуйме аджек остного гроша на науку, на просвіщенє своих дітей. Отворме им дорогу — до світа!

Тверезый газда.



Важне для читалень Лемковщины.

В КРЫНИЦІ-СЕЛІ У ДЕЛЕГАТА О-СТВА КАЧКОВСКОГО РЕВИЗОРА О. ЯНОВИЦКОГО

можна купити портреты Качковского и Наумовича, реєстры членов, новы книги для библиотек, театральны пьесы и т. д.

У него можна достати также информации в справі основаня кружков Р. Рольничого Союза и кооперативов. Крім ревізий, делегат выїзджат также на общи Собраня членов читалень.

В НЕДІЛЮ, ДНЯ 7. ЧЕРВНЯ О ГОД. 2-ой по полудни

отбуде ся

в Ястрябику ново-сандецкого повіта

ОТКРЫТЕ ЧИТАЛЬНИ

им. М. Качковского

на котре доокрестну интеллигенцию и селян запрашают

ЧЛЕНЫ-ОСНОВАТЕЛИ.

Што чути в світі.

Рим: Італійське правительство приготувлять новий проєкт констытуции. Одним з найважніших точок нової констытуции має бути наданє Муссолініному пожиттєвого тытула шефа црительства.

Москва: Газета „Правда“ в передовиці потверджат стару зрештом максиму, же основом організації держави єст любов отчизны.

Букарест: Румунскы газеты, обговорюючи положєнє в Австриї, пишут, же на „Anschluss“ або поворот Габсбургів до Австриї, Мала Ентента отвітит мобілізаціом.

С Москвы доносят, же в найближшом часі Грузія буде выключена с Союзу Федеративных Советских Республик и стане ся самостєятельном республиком в складі С. С. С. Р.

Льондон: Консервативный посол А. Вильсон робит уважным англицке правительство на вооружєня в Совітах. В совітах прибиват рочно 4 милионы населєня, што отвітат цілковитому рочному приростови решты Европы. Росія — бесідув Вильсон — єст больше самовыстарчальна от Амерыкы и за пару літ може бути сильнійша от двох найсильніших держав Европы так на суші як и в воздусі.

Прага: В Чехословакиї проєктуют велику позичку на оборону краю. Проєкт тот мают в найближшом часі предложити парламентарови. Сумы предвиджены на оборону краю кромі сум обнятых бюджетом, доходят до 6 миллиардов корон чеських. В пляні обороны держави єст укріплєнє гриниц с Польщом и Німєччином.

Москва: Нова констытуция, котра має бути введена в найближшом часі в Совітах предвиджує систему двохпалатну. Перша палата має бути выбєрана через всєнароднє и безпосереднє голосованє. Друга палата має ся складати с представитєлєй наций и буде выбєрана через поодынокы республики, входячи в склад С. С. С. Р. По Москві кружат поголоскы, же совітскы власти наміряют устраниити с державного герба клич: „пролетарии всіх краєв лучте ся“!

Льондон: Негус, котрый выїхал дня 29. мая с Палєстыны, приїхал уж до Гибралтара, где має задержати ся пару днєй.

Берлин: Гитлер назначил уж свого наслідника. Має ним бути внук бывшого цисара Вильгельма II. князь Браншвайг-Кумберлянд. Князь тот в разі принятя становиска одержит тытул презыдєнта Німєччыны. Канцлером в том случаю был бы министр Рудольф Гесс.

Ерусалим: Англицка полиция, в борбі с демонстрантами - арабами в Палєстыні, послугує ся тепєр самоходами-гидрантами, с котрых обливат білоодітых демонстрантов сильном струєм хємичного атраменту, котрый оставят на білої одежи недаючи ся усунути пятна. Тоты пятна свідчат о участі

арабов в демонстрації и облегчают полициі вынайденє демонстрантов.

В Льондоні начали ся вступны переговоры межє Англиом и Польщом в ділі морского пакта.

Берно Моравске: На ріці Дыє на Моравках послідовала страшна катастрофа. Пром, перевозячи 106 дітєй школьных, перевернут ся, а діти впали до воды. Утопило ся 31 дітєй.

В Антверпії выкрыто банду подрабєчєй гршєвых банкнотів. В часі слідства оказало ся, же подрабєчєны банкноты были под взлядом техничным лучше выконаны як правдивы.

Відєнь: Вицекороль Абисынии, маршал Бадоліо выїхал до Італії. В звязи с єго приїздом до краю мают отбыти ся великы торжєства. Дня 7. червня маршал Бадоліо має вручити італійскому королю Виктору Емануїлу цисарску корону Абисынии.

Токио: Совітське правительство забороило заходити в совітскы порты двом японським воєнным кораблям, котры товаришили вє японським рыболовам, ловившим рыбу в совітських водах в районі Камчаткы. Мєтывы того заряджєня — нєльєжалнє отношєнє тых пароходів к совітським пароходам, якгодячим на японскы воды.

Штрасбург: Німєччына переводит на берегах Рєна воєны роботы, маючи на цілі укріплєнє гриницы німєцко-французской. Укріплєный узєл Иштейна розбурєный на основі версальского договора Німєччына отбєдовує и укріплят. На єго фортах уставлєно уж тяжкы арматы.

Льондон: Офіціалны англицкы кругы на скривают того, што розрухы в Палєстыні выкликали італійаны. Тепєр італійаны ведут сильну противанглицку агитацию так же в Египті, где стало жиє 60.000 італійанов. В Египті ведут они открыту пропаганду против Англиї. Тото може допривзидити легко до воєны італійанско-англицкой.

Вісти с краю.

Варшава: Министєр Бєк выїхал до Білградє, где принимано єго с великом радостьом и почєстями. Вся югославска печать посвячат передовы статі вызити польского министра, поміщаючи опис житя мин. Бєка и премієра Славої-Складковского.

Всі домы в Білграді украшєны польськыма и югославськыма фанамы.

Варшава: Дня 4. червня має ся отбыти перше засіданє незвычайной сеймовсєй сєсии.

Варшава: Господарскы кругы доносят, же в том року належит надїяти ся богатого урожая овочєй. Особєнно зародили ся сильно черєшні и вишні, а так же яблєка и грушкы.

Варшава: Союз Торговельно-Промышлєнных Палат розважат проєкт введєня системы торговли яйцами на вагу, але без приушаня до того. Така система была бы користна так для купца, як и для консумента, и вплинула бы на поднесєнє урєвня годовлі кур в краю.

Агенция „Прєсс“ доносит, же в Варшаві кружат поголоскы о зміні выбєрательной реформы. Нова ордынация має бути так уложєна, штобы обі законодательны палаты были дійствитєльно представитєльством населєня.

Львов: Роботники фабрыкы гумы в Сяноці жертвовали роботу до выконаня 10 тысячєй противгазных масок.

Новый Санч: В послідных днєх приступлєно до будовы сильного вала над Дунайцом, котрый має обезпечити набережны поля от наводнєня.

Во всходной Галичині, а так же в районі Домбровском будут того року їздити комисии Державного Геологичного Института, котры займут ся баданєм недавно открытых покладов угля и ропы.

КТО ХОЧЕ ЗАБЕЗПЕЧИТИ СЕБЕ НА СТАРОСТЬ И РОДИНУ
ОТ НУЖДЫ И ГОЛОДА, АБО ЗЛОЖИТИ ДІТЯМ ВІНО,
НЕХАЙ ЯКНАЙСКОРШЕ

заасєкурує ся
в асєкураційном Товаристві
ВИТА И КРАКОВСКЕ
во ЛЬВОВІ

Асєкурацию принимают на цілої Лємковщині
представитєлє: гг. Осиф Яновицкый — Крыница-Сєло и Ми-
хаїл Перєлом — Сянок.